



SLUŽBENI GLASNIK

OPĆINE ZAVIDOVIĆI

Broj: 5. Datum: 29.06.2012.

IZDAVAČ: Kabinet Općinskog načelnika
REDAKCIJSKI KOLEGIJ: PINJIĆ SAMIRA - Odgovorni urednik
ČAHTAREVIĆ FATIMA - član
HADŽIĆ AMIRA - član

I – AKTI OPĆINSKOG VIJEĆA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-3504/12

Dana: 28.06.2012. godine

Na osnovu člana člana 25. Statuta općine Zavidovići („Službeni glasnik općine Zavidovići“, broj 5/08 i 5a/08) Općinsko vijeće Zavidovići na 46. sjednici, održanoj 28.06.2012. godine donijelo je

O D L U K U**o usvajanju LOD metodologije za finansiranje projektnih aktivnosti OCD
na području Općine Zavidovići****Član 1.**

Ovom odlukom utvrđuje se metodologija za raspodjelu novčanih sredstava iz Budžeta općine Zavidovići namijenjenih za projekte OCD.

Član 2.

Usvaja se LOD metodologija za finansiranje projektnih aktivnosti OCD na području Općine Zavidovići, razvijena u okviru projekta LOD II kojeg je provodio UNDP.

Član 3.

Sastavni dio ove Odluke je set dokumentacije koju čini:

- Praktični priručnik: LOD metodologija za dodjelu sredstava organizacijama civilnog društva,
- Obrazac oglasa za novine,
- Upute za provođenje javnog poziva za organizacije civilnog društva ,
- Formular za evidentiranje izdate projektne dokumentacije,
- Formular za evidentiranje primljene projektne dokumentacije,
- Formular potvrde prijema,
- Smjernice za podnositelje i kriteriji za odabir,
- Projektni prijedlog,
- Pregled budžeta,
- Logički okvir rada,
- Plan aktivnosti i promocije,
- Administrativni podaci o podnosiocu projekta,
- Finansijska identifikaciona forma,
- Izjava o podobnosti,
- Lista za provjeru,
- Izjava o sukobu interesa i povjerljivosti,

- Primjer zapisnika sa sastanka,
- Odluka o uspostavljanju komisije za ocjenu projekata,
- Smjernice za rad komisije za ocjenu projekata OCD-a,
- Individualni formular za ocjenu projekata,
- Zbirni formular za ocjenu projekata,
- Obrazac zapisnika o radu komisije,
- Obrazac tabele sa rezultatima,
- Smjernice za izvještavanje o projektima koje provode OCD,
- Obrazac izvještaja o napretku provedbe projekta,
- Obrazac periodičnog izvještaj o korištenju sredstava,
- Obrazac finalnog izvještaja,
- Obrazac finalnog izvještaja o korištenju sredstava,
- Smjernice: Svrha, obim i pravila za praćenje provedbe projekata OCD-a,
- Obrazac izvještaj tima za praćenje provedbe projekata,
- Obrazac finalnog izvještaja aktivnosti OCD projekata.

Član 4.

U roku od 60 dana od dana stupanja na snagu ove Odluke Općinski načelnik Zavidovići će, na prijedlog službe nadležne za poslove OCD, donijeti Uputstvo o primjeni ove Odluke koje će sadržavati kriterije, način i postupak, kao i druga pitanja koja se tiču raspodjele novčanih sredstava, razrađeno na osnovu i u skladu sa usvojenom LOD metodologijom.

Član 5.

Ova Odluka stupa na snagu prvog narednog dana od danom objavljivanja u «Službenom glasniku općine Zavidovići».

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-3496/12
Dana: 28.06.2012. godine

Na osnovu člana člana 25. Statuta općine Zavidovići („Službeni glasnik općine Zavidovići“, broj 5/08 i 5a/08) Općinsko vijeće Zavidovići na 46. sjednici, održanoj 28.06. 2012. godine donijelo je

O D L U K U

O IZMJENI ODLUKE O PRISTUPANJU OSNIVANJU RAZVOJNE AGENICIJE ZAVIDOVIĆI

Član 1.

U Odluci o pristupanju osnivanju Razvojne agencije Zavidovići («Službeni glasnik općine Zavidovići» broj 5/2006) član 2. stav 1. alineje 1 – 11 mijenjaju se i glase: «

- 18.12 Ostalo štampanje,
- 58.11 Izdavanje knjiga,
- 58.14 Izdavanje časopisa i periodičnih publikacija,
- 62.01 Računarsko programiranje,
- 63.11 Obrada podataka, usluge hostinga i djelatnosti u vezi s njima,
- 70.22 Savjetovanje u vezi s poslovanjem i ostalim upravljanjem,
- 71.10 Arhitektonske i inženjerske djelatnosti i sa njima povezano tehničko savjetovanje,
- 73.10 Promocija (reklama i propaganda),
- 73.20 Istraživanje tržišta i ispitivanje javnog mnjenja,
- 78.10 Djelatnost agencija za zapošljavanje,
- 85.50 Ostalo obrazovanje i poučavanje».

Član 2.

Ova odluka stupa na snagu prvog narednog dana od dana objavljivanja u “Službenom glasniku općine Zavidovići”.

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-31-3505/12
Dana: 28.06.2012. godine

Na osnovu člana 5. stav 3. i člana 13. Zakona o prometu nepokretnosti («Službeni list SRBiH», broj 38/78, 4/89, 29/90 i 22/91 i «Službeni list R BiH» , broj 12/92, 3/93, 13/94, 18/94 i 33/94) i člana 25. Statuta općine Zavidovići («Službeni glasnik općine Zavidovići», broj: 5/08 i 5/a/08), Općinsko vijeće Zavidovići na 46.sjednici održanoj dana 28.06.2012. godine, donosi

ODLUKU

o davanju saglasnosti na promet nekretnina

Član 1.

Ovom odlukom daje se saglasnost Općini Zavidovići na promet – kupovinu nekretnine označene sa k.č. 145/3 zv. «Ušinac» šuma 5. klase pov.233 m², upisana u P.L. 154 k.o. Kučice, vlasništvo Stanković Branka sin Đorđa iz Zavidovića, Alije Izetbegovića blok „C“, sa dijelom 1/1.

Član 2.

Ovlašćuje se Općinski načelnik da u ime općine Zavidovići zaključi ugovor o kupovini nekretnina iz člana 1. ove odluke i to po cijeni od 1.281,50 KM.

Općinsko vijeće Zavidovići ovlašćuje Općinskog načelnika da izvrši uplatu sredstava na ime poreza na promet i ostalih taksi vezanih za upis posjeda i vlasništva na nekretnini iz člana 1. ove odluke.

Član 3.

Ugovor o kupoprodaji iz člana 2. ove odluke zamjenjuje eksproprijaciju u smislu člana 6. stav 1. tačka b) Zakona o porezu na promet nekretnina («Službene novine ZE-DO kantona», broj 6/09).

Član 4.

Ova odluka stupa na snagu danom donošenja, a naknadno će biti objavljena u „Službenom glasniku općine Zavidovići“.

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-23-3586/12
Dana, 28.06.2012. godine

Na osnovu člana 6. Zakona o građevinskom zemljištu Federacije Bosne i Hercegovine („Službene novine FBiH“, broj 67/05), člana 13.stav 2.alineja 8.Zakona o principima lokalne samouprave u Federaciji BiH („Službene novine FBiH“, broj 49/06), člana 3.stav 1. Odluke o zauzimanju javnih površina („Službeni glasnik općine Zavidovići“, broj 3/2009-prečišćeni tekst) i člana 25. stav 1. tačka 10. Statuta općine Zavidovići („Službeni glasnik općine Zavidovići“, broj 5/2008 i 5/a/2008), Općinsko vijeće Zavidovići na 46.sjednici održanoj dana 28.06.2012.godine, donijelo je

ODLUKU

o izmjeni i dopuni Odluke o usvajanju Plana privremenog zauzimanja javne površine za 2012.godinu

Član 1.

U članu 5. Odluke o usvajanju Plana privremenog zauzimanja javne površine za 2012. godinu („Službeni glasnik općine Zavidovići“, broj: 2/12), u grafičkom prilogu pod C. Zauzimanje javnih površina za postavljanje kioska, iza skice lokacije broj 10., dodaje se nova skica lokacije broj 11. i ista se prilaže uz predmetnu Odluku i čini njezin sastavni dio.

Član 2.

Ova Odluka stupa na snagu prvog narednog dana od dana objavljivanja u „Službenom glasniku općine Zavidovići“.


**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

SKICA LOKACIJE br.10.

RI-500



OPIS LOKACIJE (UTU):

- korisnik u 2012. „Oprema“ d.o.o Sarajevo (zajmjenjski kiask).
- objekat/kiask se postavlja u svemu prema skici lokacije koja će biti sastavni dio Plana korištenja javne gradske površine, na osnovu kojeg će se izdati odobrenje za zauzimanje javne gradske površine u svrhu postavljanja privremenog objekta.
- lokacija objekta je: ulica „Alje Izetbegovića“ na parceli k.č.broj: 1227/B k.o Zavidovići,
- dimenzija kiaska su: 4,70 x 2,45 m,
- namjena objekta je: poslovna,
- površina zauzimanja javnog gradskog prostora je: P= 11,50 m²
- lokacija je obuhvaćena u I-zoni,
- objekat je montažno-demontažnog tipa, čelično konstruktivnog sistema sa zidovima od prefabrikovanih profila sa zastakljenim izlogom.
- krov objekta je jednadreban krov sa pokroven od al. trapeznog ima uklopjenu krovnu masku,
- priključke na instalacije vodovoda, kanalizacije i elektroenergetičke instalacije obezbijediti sa gradskog infrastrukturnog sistema prema saglasnostima nadležnih,
- prilaz objektu obezbijediti je sa pješačkog platoa.
- karakter je: privremeni sa rokov koji se određuje u postupku odobrenja za zauzimanje javne gradske površine, a ukoliko se i prije datog roka ukáže potreba za oslobađanjem prostora investitor je dužan objekat ukloniti a prostor dovesti u prvobitni položaj, bez prava na naknadu.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-2630/12
Dana, 28.06.2012. godine

Na osnovu člana 38. Zakona o sportu («Službene novine Zeničko-dobojskog kantona», broj: 11/02, 1/04 i 9/11) i člana 25. Statuta Općine Zavidovići («Službeni glasnik općine Zavidovići», broj: 5/08 i 5-a/08), Općinsko vijeće Zavidovići na 46. sjednici održanoj 28.06.2012. godine, donosi

O D L U K U

o davanju na upravljanje objekta „Sportska dvorana“ Zavidovići

Član 1.

„Sportska dvorana“ Zavidovići u vlasništvu općine Zavidovići, daje se na upravljanje Rukometnom klubu «Krivaja» Zavidovići.

Pravo upravljanja iz prethodnog stava odobrava se na rok do 31.12.2012. godine.

Član 2.

Sva prava i obaveze između Općine Zavidovići kao vlasnika i Rukometnog kluba «Krivaja» Zavidovići koji će upravljati „Sportskom dvoranom“ na osnovu odobrenja vlasnika, regulisat će se posebnim ugovorom o upravljanju i korištenju „Sportske dvorane“.

Ugovor će se potpisati u roku od 15 dana od dana stupanja na snagu ove Odluke.

Član 3.

Ugovorom iz prethodnog člana treba obezbjediti:

- da se „Sportska dvorana“ koristi u javnom interesu i u svrhe za koje je izgrađena i uređena,
- da se osigura prioritet i uslovi za izvođenje nastave tjelesnog odgoja u skladu sa nastavnim planovima i programima osnovnih i srednjih škola,
- da se osigura korištenje i održavanje u tehnički ispravnom stanju u skladu sa njenom namjenom i posebnim propisima radi sigurnosti korisnika /učenici, sportisti, gledaoci/ kao i drugih korisnika i učesnika u sportskim i drugim manifestacijama,
- da se osiguraju uslovi poslovanja sa «pažnjom dobrog privrednika» u cilju zaštite i održavanja objekta i izvršavanja obaveza prema zaposlenim radnicima.

Član 4.

Navedenim ugovorom će se regulisati i druga pitanja od zajedničkog interesa vlasnika, upravitelja i korisnika, kao što su:

- način rješavanja investicionih zahvata potrebnih za normalno funkcionisanje i rad „Sportske dvorane“,

- 522 -

- način izmirivanja troškova korištenja „Sportske dvorane“ (električna energija, grijanje, održavanje higijene i slično),
- cjenovnik usluga korištenja „Sportske dvorane“ za različite sportske i rekreativne aktivnosti, sportske i kulturne manifestacije i slično,
- način rješavanja eventualnih nesporazuma i sudska nadležnost.

Član 5.

Za potpisivanje ugovora iz člana 2. ove Odluke ovlašćuje se ispred Općine Zavidovići, kao vlasnika Općinski načelnik.

Član 6.

Rukometni klub „Krivaja“- upravitelj „Sportske dvorane“ podnjet će Općinskom načelniku izvještaj o realizaciji Ugovora o upravljanju i korištenju „Sportske dvorane“, po isteku roka iz člana 1. stav 2. ove Odluke.

Član 7.

Stupanjem na snagu predmetne Odluke, stavlja se van snage Odluka o davanju na upravljanje «Sportska dvorana» Zavidovići broj 01-23-818/08 od 03.03.2008.godine («Službeni glasnik općine Zavidovići», broj 3/2008).

Član 8.

Ova Odluka stupa na snagu danom objavljivanja u «Službenom glasniku općine Zavidovići», a o njenoj realizaciji starat će se Kabinet Općinskog načelnika i Služba za upravu društvenih djelatnosti i opću upravu općine Zavidovići.

PREDSJEDAVAJUĆI
OPĆINSKOG VIJEĆA

(M.P.)

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE
Broj: 01-23-3204/12
Dana, 28.06.2012. godine



Na osnovu člana 25. i člana 105. stav 2. Statuta općine Zavidovići («Službeni glasnik općine Zavidovići», broj: 5/08 i 5/a/08), Općinsko vijeće Zavidovići na 46. sjednici održanoj dana 28.06.2012. godine, donosi

ODLUKU

o davanju na korištenje poslovnih prostorija u vlasništvu općine Zavidovići

Član 1.

Udruženju roditelja djece sa poteškoćama u razvoju „Mala sirena“ Zavidovići daju se na korištenje poslovne prostorije koje se nalaze u sastavu zgrade zv. «Sloga» u ulici Abdulvehaba Ilhamije, izgrađena na k.č. 1093/1 zv. «Novo naselje» kuća-zgrada pov. 473 m², pašnjak 2.klase pov. 727 m², upisana u P.L. 232 k.o. Zavidovići kao DRSV Općina Zavidovići i to:

- kancelarija broj 2. površine 20 m²
- kancelarija broj 3. površine 20 m²
- kancelarija broj 4. površine 13 m²

uz zajedničko pravo korištenja hodnika i sanitarnog čvora sa ostalim korisnicima drugih poslovnih prostorija u istoj zgradi.

Član 2.

Poslovne prostorije iz člana 1. ove Odluke daju se na korištenje za rad i sjedište Udruženja roditelja djece sa poteškoćama u razvoju „Mala sirena“ Zavidovići.

Član 3.

Prostorije iz člana 1. ove Odluke daju se na korištenje bez naknade, na period od pet godine sa mogućnošću produženja prava korištenja.

Član 4.

Zadužuje se Služba za upravu društvenih djelatnosti i opću upravu da sačini ugovor koji će zaključiti Općinski načelnik, a kojim će se urediti pitanje održavanja zajedničkih prostorija i režijskih troškova (utroška električne energije, grijanja, vode, telefona, odvoza otpada, KN, KGZ i drugih obaveza nastalih korištenjem objekta).

Član 5.

Ova odluka stupa na snagu osmog dana od dana donošenja i bit će objavljena u „Službenom glasniku općine Zavidovići“.

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-34-2258/12

Datum, 28.06.2012.godine

Na osnovu člana 49. Zakona o pravobranilaštvu («Službene novine Zeničko-dobojskog kantona», broj 14/08), i člana 25. Statuta općine Zavidovići («Službeni glasnik općine Zavidovići», broj 5/08 i 5a/08), Općinsko vijeće Zavidovići, na 46. sjednici održanoj dana 28.06.2012 godine, donijelo je

R J E Š E N J E

o imenovanju zamjenika općinskog pravobranioca u Općinskom pravobranilaštvu Zavidovići

I

HRKIĆ DŽENANA, dipl.pravnik imenuje se za zamjenika općinskog pravobranioca u Općinskom pravobranilaštvu Zavidovići.

II

HRKIĆ DŽENANA, dipl.pravnik razrješava se funkcije općinskog pravobranioca u Općinskom pravobranilaštvu Zavidovići, zbog imenovanja na funkciju zamjenika općinskog pravobranioca.

Rješenje Općinskog vijeća Zavidovići o imenovanju općinskog pravobranioca u Općinskom pravobranilaštvu Zavidovići, broj 01-34-1797/09 od 06.07.2009.godine, stavlja se van snage.

III

Rješenje stupa na snagu danom donošenja, a objavit će se u «Službenim novinama Federacije BiH» i «Službenom glasniku općine Zavidovići».

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-34-2549/12
Dana, 28.06.2012. godine

Na osnovu člana 25.stav 1. tačka 17. Statuta općine Zavidovići („Službeni glasnik općine Zavidovići“, broj 5/08 i 5a/08), člana 36. Poslovnika o radu Općinskog vijeća Zavidovići („Službeni glasnik općine Zavidovići“, broj 12/08), Općinsko vijeće Zavidovići na 46.sjednici od 28.06.2012. godine, donijelo je

R J E Š E N J E

o razrješenju predsjednika Drugostepene komisije za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika

I

JUSUPOVIĆ NAILA, razrješava se dužnosti predsjednika Drugostepene komisije za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika, na lični zahtjev.

II

Rješenje stupa na snagu danom donošenja i biti će objavljeno u «Službenom glasniku općine Zavidovići»

(M.P.)

**PREDSJEDAVAJUĆI
OPĆINSKOG VIJEĆA**

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-34-3632/12
Dana, 28.06.2012. godine

Na osnovu člana 10. stav 2., 3. i 4. Zakona o porezu na promet nepokretnosti («Službene novine Zeničko-dobojskog kantona», broj 6/09) i člana 25. stav 1. tačka 17. Statuta općine Zavidovići («Službeni glasnik općine Zavidovići», broj 5/2008 i 5a/2008), Općinsko vijeće Zavidovići na 46. sjednici održanoj 28.06.2012. godine donijelo je

R J E Š E N J E

o izmjeni Rješenja o imenovanju predsjednika i članova Drugostepene komisije za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika

I

Rješenje o imenovanju predsjednika i članova Drugostepene komisije za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika («Službeni glasnik općine Zavidovići», broj 1/09), mijenja se u tački I pod rednim brojem 1., umjesto Jusupović Naile, **imenuje se TURSIĆ AMIR, predsjednik.**

II

Rješenje stupa na snagu danom donošenja, a objavit će se u «Službenom glasniku općine Zavidovići».

**PREDSJEDAVAJUĆI
OPĆINSKOG VIJEĆA**

(M.P.)

ing. Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-44-3333/12
Datum, 28.06.2012.godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 46.sjednici od 28.06.2012. godine, razmatralo je Izvještaj o prikupljenim neeksplozivnim ubojnim sredstvima (NUS) i minsko-eksplozivnim sredstvima (MES) i deminiranoj teritoriji u 2011.godini, pa nakon rasprave donijelo

ZAKLJUČAK

1. Općinsko vijeće Zavidovići usvaja Izvještaj o prikupljenim neeksplozivnim ubojnim sredstvima (NUS) i minsko-eksplozivnim sredstvima (MES) i deminiranoj teritoriji u 2011. godini.
2. Zadužuje se Služba za upravu civilne zaštite općine Zavidovići da uputi urgenciju BH MAC Regionalni ured Tuzla da snimi stanje miniranih površina na području općine Zavidovići, te u narednom periodu (najmanje dva puta godišnje) izvrši postavljanje otuđenih znakova koji su obilježavali površine zagađene minama.
3. Zaključak stupa na snagu odmah, a o realizaciji starat će se Služba za upravu civilne zaštite.

**PREDSJEDAVAJUĆI
OPĆINSKOG VIJEĆA**

(M.P.)

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-23-3204/12
Datum, 28.06.2012.godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 46.sjednici od 28.06.2012. godine, razmatralo je Prijedlog odluke o davanju na korištenje poslovnog prostora u vlasništvu Općine Zavidovići Udruženju roditelja djece sa poteškoćama u razvoju „Mala sirena“, pa nakon rasprave donijelo

ZAKLJUČAK

1. Općinsko vijeće Zavidovići zadužuje Općinskog načelnika da pokuša iznaći finansijska sredstva za pomoć Udruženju roditelja djece sa poteškoćama u razvoju „Mala sirena“ u okviru raspoloživih sredstava planiranih Budžetom općine Zavidovići za 2012.godinu.

2. Zaključak stupa na snagu odmah, a o njegovoj realizaciji starat će se Kabinet Općinskog načelnika i Služba za upravu društvenih djelatnosti i opću upravu.

PREDSJEDAVAJUĆI
OPĆINSKOG VIJEĆA

(M.P.)

ing.Radosav Petrović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-3790/12
Datum, 28.06.2012.godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 46.sjednici od 28.06.2012. godine, razmatralo je Informaciju o načinu dodjele betona po mjesnim zajednicama, pa nakon rasprave donijelo

ZAKLJUČAK

1. Općinsko vijeće Zavidovići odbija Informaciju o načinu dodjele betona po mjesnim zajednicama.

2. Zaključak stupa na snagu odmah.

PREDSJEDAVAJUĆI
OPĆINSKOG VIJEĆA

(M.P.)

ing.Radosav Petrović, s.r.

II – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK
Broj: 02-05-3645/12
Datum, 30.04.2012.godine



Na osnovu Zakona o zaštiti na radu («Službeni list SR BiH», broj 22/90), koji se na osnovu člana IX 5. (1) Ustava Federacije BiH smatra preuzetim i na osnovu člana 39. Statuta općine Zavidovići («Službeni glasnik općine Zavidovići», broj: 5/08 i 5a/08), Općinski načelnik Zavidovići d o n o s i

P R A V I L N I K
O ZAŠTITI NA RADU DRŽAVNIH SLUŽBENIKA I NAMJEŠTENIKA
U JEDINSTVENOM OPĆINSKOM ORGANU UPRAVE I POSEBNIH SLUŽBI
OPĆINE ZAVIDOVIĆI

I - OSNOVNE ODREDBE**Član 1.**

Ovim Pravilnikom uređuje se zaštita na radu državnih službenika i namještenika (u daljem tekstu: uposlenika) u Jedinostvenom općinskom organu uprave i posebnih službi Općine Zavidovići (u daljem tekstu: Općina).

Član 2.

Zaštita na radu obuhvata sistem zaštite tehničkih, obrazovnih, zdravstveno- higijenskih i drugih mjera usmjerenih na stvaranje boljih i sigurnih uslova rada, kao i sprečavanje i otklanjanje uzroka povreda uposlenika na radu.

Član 3.

Mjere zaštite uposlenika na radu obuhvataju:

1. Mjere kojima se neposredno obezbjeđuje sigurnost na radu
2. Mjere u vezi sa uvjetima rada
3. Mjere u vezi sa posebnom zaštitom uposlenika

Iz mjera zaštite na radu iz prethodnog stava proizilazi:

- a) sprečavanje povreda na radu,
- b) sprečavanje oštećenja zdravlja uposlenika,
- c) unapređenje općih uvjeta na radu,
- d) pružanje prve pomoći u slučaju povrede

Član 4.

Ovim Pravilnikom a u skladu sa Zakonom o zaštiti na radu («Službeni list SR BiH», broj 22/90), a koji se na osnovu člana IX. 5. (1). Ustava Federacije BiH, smatra federalnim zakonom, a prema uslovima i potrebama Općine iz oblasti zaštite na radu bliže se uređuju sljedeća pitanja:

- prava, obaveze i odgovornosti uposlenika,
- prava i obaveze Općine za sprovođenje zaštite na radu.

Zaštitu na radu u Općini obezbjeđuju i sprovode uposlenici Službi kao osnovni nosioci poslova i zadataka na sprovođenju, organizovanju, utvrđivanju i unapređivanju zaštite na radu i radne sredine.

Sprovođenjem odredaba ovog Pravilnika podstiče se sprečavanje povreda i oštećenja zdravlja uposlenika prilikom rada, stvaranje uslova da uposlenici prilikom vršenja poslova, rade bez opasnosti po život i zdravlje, da se smanji bolovanja, invalidnosti i produži radni vijek uposlenika i tako poveća njegova sigurnost pri obavljanju radnih zadataka.

Pomoćnici Općinskog načelnika i Rukovodioci Službi ovim pravilnikom utvrđuju za svako radno mjesto uvjete zaštite na poslovima koji to zahtijevaju, kao i posebne uvjete uposlenika ukoliko ocijene da su realni u pogledu zdravstvenih i psihofizičkih sposobnosti uposlenika koji će raditi na tom radnom mjestu.

Niko ne može zasnovati radni odnos ako prethodno nije utvrđeno da njegovo zdravstveno stanje i psihofizičke sposobnosti odgovaraju uslovima rada i zahtjevima radnog mjesta.

Uposlenik koji boluje od bolesti koja se bez njegovog obavještenja ne može utvrditi ljekarskim pregledom ili ima takve zdravstvene nedostatke koji na određenom radnom mjestu mogu predstavljati opasnost za uposlene ili okolinu dužan je o tome obavijestiti instituciju iz oblasti zdravstva.

Član 5.

Obaveza Općine kao poslodavca je da u okviru programa zaštite na radu obezbijedi potrebna sredstva i omogući sprovođenje i unapređenje zaštite na radu u rokovima za njihovu realizaciju.

Odredbe ovog Pravilnika primjenjuju se na sve uposlenike Općine koji obavljaju poslove za potrebe Općine. Uposlenici Općine imaju pravo da daju prijedlog za obezbjeđenje potrebnih sredstava za sprovođenje i unapređenje zaštite na radu.

II - PRAVA I DUŽNOSTI U VEZI SA ZAŠTITOM NA RADU

Član 6.

Pravo na zaštitu na radu imaju:

- a) svi uposlenici Općine bez obzira na trajanje radnog odnosa.
- b) sva lica koja se po bilo kojem osnovu nalaze na radu u Općini.

Član 7.

Uposlenik je dužan da se upozna sa propisima i mjerama zaštite na radu prije raspoređivanja na odgovarajuće radno mjesto u domenu njegove stručne spreme.

Uposlenici u radnom odnosu i druga lica koja se po bilo kojem osnovu nalaze i rade u Općini dužni su da se pridržavaju odredaba ovog Pravilnika, zakonskih propisa i drugih upustava donijetih u cilju sprovođenja zaštite na radu.

Uposlenik koji se ne pridržava propisanih mjera zaštite na radu, upustva i naloga neposrednog rukovodioca povodom zaštite na radu čini povrede radne obaveze.

Član 8.

Uposlenici koji su zaduženi sa rukovanjem mašinama-aparatima obavezni su da se staraju o njihovoj ispravnosti i da prilikom rad upotrebljavaju odgovarajuća sredstva tehničke i lične zaštite na način kako je to određeno odgovarajućim mjerama zaštite na radu.

Uposlenik je dužan po isteku radnog vremena i prestanku rada mjesto rada ostaviti čisto i uredno i u ispravnom stanju, a u slučaju bilo kakvog kvara dužan je odmah obavijestiti neposrednog rukovodioca.

- 532 -

Član 9.

Uposlenik je dužan da se pridržava utvrđenih mjera zaštite na radu, da se prilikom obavljanja poslova i zadataka služi predviđenim sredstvima zaštite, da ih namjenski koristi i da ih održava u ispravnom stanju. Ovim Pravilnikom utvrđuje se koja sredstva lične zaštite pripadaju uposleniku.

Poslovi odnosno zadaci koji se obavljaju sa posebnim uslovima rada.

1. Poslovi i zadaci za unutrašnje obezbjeđenje objekata Općine;
2. Poslovi spremanja i održavanja prostora ;
3. Poslovi kurira;

Član 10.

Uposlenik je dužan da odmah ukloni ili prijavi sve zapažene nedostatke neposrednom rukovodiocu kao i druge pojave i okolnosti koje bi mogle da ugroze bezbjednost na radu.

Uposlenicima i drugim licima koji se po bilo kom osnovu nalaze na radu u Općini ako su pod dejstvom alkohola i drugih narkotika, zabranjen je pristup u radne prostorije ili zadržavanje u radnim prostorijama odnosno zgradi Općine.

Član 11.

Uposlenik kome pri radu prijete opasnost po život i zdravlje zbog toga što nisu sprovedene propisane mjere zaštite ima pravo da odbije da radi na poslovima i zadacima dok se ne sprovedu propisane mjere zaštite, a za to vrijeme uposlenik se može rasporediti na druge poslove i zadatke koji odgovaraju njegovoj stručnoj spremi i radnim sposobnostima.

Rukovodilac službe ovlašten je da obustavi rad na onim radnim mjestima gdje prijete neposredna opasnost po život uposlenika a sve dok se ne sprovedu propisane mjere zaštite na radu, a zatim je obavezan da odmah obavijesti Općinskog načelnika.

Član 12.

Ako uposlenik odbije da izvršava radne zadatke, a za to ne postoje opravdani razlozi predočeni u prethodnom članu, Rukovodilac službe je dužan da o tome odmah izvijesti organ uprave nadležan za poslove inspekcije rada radi utvrđivanja činjeničnog stanja, te u roku od tri (3) dana pokrene disciplinski postupak u skladu sa važećim propisima u Federaciji Bosne i Hercegovine.

Upoznavanje uposlenika iz prethodnog stava je u nadležnosti neposrednog rukovodioca.

Član 13.

Rukovodilac Službe obavezan je odmah izvijestiti organ uprave nadležan za poslove inspekcije rada, o smrtnom slučaju, nesreći koja se desila, teškoj povredi i svakoj pojavi koja bi mogla ugroziti život i zdravlje uposlenika.

Neposredni rukovodilac posebno je dužan da upozna uposlenika na radnom mjestu gdje postoji povećana opasnost od povreda i drugih opasnosti prilikom rada.

Član 14.

Uposlenik je dužan da svaku povredu na radu prijavi neposrednom rukovodiocu, da pruži pomoć povrijeđenima i da učestvuje u otklanjanju posljedica koje su nastale. Obučavanje i upotpunjavanje znanja uposlenika iz oblasti na radu uz prijemnu savremenih naučnih saznanja i metoda za unapređenje zaštite, sigurnosti i zdravlja uposlenika predstavlja stalan zadatak svih uposlenih u Općini.

Član 15.

Uposlenik može da radi samo na ispravnim mašinama, računarima, oruđima za rad i drugim uređajima.

Uposlenik koji pri radu koristi mašine za rad i druge uređaje dužan je da se stara o njihovoj ispravnosti.

Uposlenik je dužan da po isteku radnog vremena svoj radni prostor ostavi čist i uredan, da sredstva za rad kojim je radio ostavi u ispravnom stanju, a u slučaju da za to ne postoji mogućnost dužan je da obavijesti rukovodioca Službe.

Član 16.

U cilju sprovođenja unapređenja zaštite na radu Rukovodioci službi obavezni su da:

1. donesu Program mjera zaštite na radu i program obučavanja uposlenika iz oblasti zaštite na radu;
2. najmanje jedanput godišnje razmatraju stanje zaštite na radu;
3. razmatraju i analiziraju svaki smrtni slučaj i nesreću koja je zadesila dva ili veći broj uposlenika, težu povredu rada i svaku pojavu koja bi mogla ugroziti život ili zdravlje uposlenika na radu, i preduzima mjere i pokreće postupak za utvrđivanje odgovornosti, odnosno o svakom slučaju iz prethodnog stava obavještava organ uprave nadležan za poslove inspekcije rada i uposlenike Službe;
4. razmatraju i analiziraju uzroke i trajanje bolovanja;
5. donose odluke o mjerama za unapređenje zaštite na radu;
6. razmatraju i analiziraju izvještaj i rješenja koje podnosi nadležni inspektor rada u skladu sa članom 57. Zakona o zaštiti na radu («Službeni list SR BiH» broj 22/90), koji se na osnovu IX.5. (1) Ustava Federacije BiH, smatra federalnim zakonom, ako inspektor rada utvrdi povrede propisa o zaštiti na radu;
7. organizuje poslove tako da se Zakon i drugi zakonski propisi, ovaj Pravilnik i drugi akti iz oblasti zaštite na radu pravilno i potpuno primjenjuju i sprovode.

Član 17.

Rukovodioci službi odgovorni su za sprovođenje zaštite na radu u svom djelokrugu rada i dužni su:

- svakog uposlenika Službe pri raspoređivanju na poslove i radne zadatke da na prikladan način upoznaju sa uslovima rada, opasnostima i drugim štetnim pojavama u vezi sa radom, mjerama zaštite na radu kojih se mora pridržavati, sa odredbama ovog Pravilnika i drugim propisima o zaštiti na radu;
- obezbjeđuju pravilnu upotrebu odgovarajućih sredstava rada i sredstava lične zaštite;
- uposlenika pod uticajem alkohola ili drugih sredstava zavisnosti odnosno omamljujućih sredstava kao i uposlenika koji neće da primjeni propisane mjere zaštite na radu obavezno privremeno udaljavaju sa posla;
- organizuje pružanje prve pomoći u slučaju povrede na radu;
- u toku rada stalno proširuju i upotpunjuju svoja znanja iz oblasti zaštite na radu, a naročito da se upoznaju sa novim propisima i svoja znanja prenose na uposlenike;
- da se staraju i vode evidencije o izvršenim pregledima i ispitivanju oruđa za rad i sredstava za rad;
- izrađuju prijedlog programa mjera zaštite na radu i prijedlog programa obuke iz oblasti zaštite na radu;
- prisustvuje svim inspekcijskim pregledima povodom zaštite na radu;
- izrađuje informacije o stanju zaštite na radu u Službi i realizaciji programa mjera zaštite i programa obučavanja uposlenika iz oblasti zaštite na radu;

- vodi propisane evidencije u oblasti zaštite na radu:
 - a) za uposlenike koji rade na radnim mjestima sa posebnim uslovima rada,
 - b) o provjeri znanja iz oblasti zaštite na radu,
 - c) o izvršenim ljekarskim pregledima,
 - d) o izvršenim pregledima i ispitivanjima sredstava lične zaštite,
 - e) povredama uposlenika na radu,
- blagovremeno dostavlja sve prijave o povredama na radu nadležnim organima u skladu sa postojećim propisima;
 - stara se da na određenim mjestima rada budu istaknuta odgovarajuća upozorenja i upustva o opasnostima od mogućih povreda na radu;
 - periodično ispitivanje i pregled iz prethodnog člana vrši stručna komisija imenovana od strane Općinskog načelnika, o izvršenim periodičnim pregledima komisija je dužna dostaviti izvještaj koja sadrži rezultat pregleda ispitivanja kao i mišljenje da li pregledana sredstva i oprema iz prethodnog člana udovoljavaju propisanim zahtjevima;
 - obuku uposlenika i provjeru znanja iz oblasti zaštite na radu mogu vršiti službenici koji imaju visoku ili višu školsku spremu odgovarajućeg smjera ili struke i potrebno radno iskustvo u struci uređeno općim aktima o sistematizaciji poslova i radnih zadataka Općine.

Član 18.

Uposlenici koji rade na poslovima sa posebnim uslovima rada obavezno podliježu prethodnim periodičnim ljekarskim pregledima.

Član 19.

Ljekarske preglede iz prethodnog člana vrši organizacija u oblasti zdravstva sa organizovanom službom za zdravstvenu zaštitu uposlenika, tako da će periodični pregledi iz prethodnog člana obavljati se jednom godišnje za uposlenike starije do 50 godina starosti, a uposlenici stariji od 45 godina starosti periodični pregled vršit će jedanput u tri godine.

Uposlenici koji rade na poslovima i radnim zadacima sa posebnim uslovima rada duži su da se podvrgnu ljekarskom pregledu iz prethodnog člana, a prema predviđenom roku.

Ako uposlenik odbije da se podvrgne ljekarskom pregledu ne može dalje obavljati poslove i zadatke na koje je raspoređen.

Evidenciju o ljekarskim pregledima uposlenika koje rade na poslovima i zadacima sa posebnim uslovima rada u Službi vodi neposredni rukovodilac.

Za poslove i zadatke koji se obavljaju sa posebnim uvjetima rada utvrđuju se posebne mjere zaštite na radu (korištenje posebnih sredstava lične zaštite i upotreba zaštitne opreme).

Na radnim mjestima sa posebnim uslovima rada sa stanovišta bezbjednih uslova rada moraju se istaći odgovarajuća upustva o načinu rada u cilju obezbjeđenja sigurnijeg rada.

Upustva i upozorenja moraju stajati na vidnom i pristupačnim mjestima, o čemu je dužan da se stara uposlenik koji radi na tim poslovima.

III - LIČNA ZAŠTITNA SREDSTVA

Član 20.

Ovim Pravilnikom utvrđuju se koja lična zaštitna sredstva pripadaju uposlenicima na pojedinim poslovima i zadacima.

Lična zaštitna sredstva uposlenik je dužan da upotrebljava za vrijeme obavljanja radnih poslova i zadataka, da ih namjenski koristi i da ih održava u ispravnom stanju.

Ako uposlenik prestane sa radom u Službi, odnosno sa radom na poslovima i zadacima za koje je čije obavljanje dobio lična zaštitna sredstva, dužan je da ta sredstva vrati ako im nije istekao propisani vijek trajanja.

- 535 -

Član 21.

Lična zaštitna sredstva i oprema na pojedinim poslovima i zadacima:

Uposlenici za unutrašnje obezbjeđenje zgrade općinskih organa

- kaput (vjetrovka, mantil) (1 kom) sa vijekom trajanja 2 godine
- radno odijelo - zimsko (1 komad) sa vijekom trajanja 2 godine
- radno odijelo - ljetno (1 kom) sa vijekom trajanja 2 godine
- košulja -ljetna (2 kom) sa vijekom trajanja 1 godina
- košulja -zimska (2 kom) sa vijekom trajanja 1 godina
- kravata (2 kom) sa vijekom trajanja 2 godine
- hlače (1 kom) sa vijekom trajanja 1 godina

Kurir

- vjetrovka (1 kom) sa vijekom trajanja 3 godine
- cipele kožne - zimske (1 par) sa vijekom trajanja 1 godina
- cipele kožne - ljetne (1 para) sa vijekom trajanja 1 godina

Čistačica

- radni mantil (2 kom) sa vijekom trajanja 2 godine
- radna cipela - borosana (1 kom) sa vijekom trajanja 1 godina
- gumene čizme (1 kom) sa vijekom trajanja 3 godine
- gumene rukavice (1 kom) sa vijekom trajanja 3 mjeseca

IV – OBEZBJEĐENJE, KORIŠTENJE I ODRŽAVANJE SREDSTAVA LIČNE ZAŠTITE

Član 22.

Sva sredstva i oprema lične zaštite koju po ovom Pravilniku koriste uposlenici moraju u svemu da odgovaraju važećim propisima i standardima lične zaštite.

Kontrolu korištenja svrsishodnosti i čuvanja zaštitnih sredstava vrši Rukovodilac službe.

Nabavku opreme i sredstava lične zaštite na radu na zahtjev rukovodioca službe i godišnjeg plana odobrava Općinski načelnik.

Član 23.

Uposlenici su dužni da zaštitnu i ličnu opremu kao i ostala zaštitna sredstva dodijeljena na upotrebu pažljivo čuvaju i koriste, a zbog nepoštivanja ovih obaveza protiv uposlenika se na prijedlog neposrednog rukovodioca može pokrenuti disciplinski postupak na temelju važećih propisa, nepoštivanje i nesavjesno čuvanje opreme namijenjene za ličnu zaštitu uposlenika smatrat će se kao teža povreda radne discipline i dužnosti.

Zabranjeno je da uposlenici ličnu zaduženu opremu koriste van radnog mjesta i van radnog vremena.

Neposredni rukovodilac je dužan odstraniti sa radnog mjesta uposlenika koji odbije upotrebu korištenja zaštitnih sredstava HTZ opreme predviđene ovim Pravilnikom, a za taj dan udaljenja sa radnog mjesta evidentirat će se kao neopravdani izostanak.

V – OPĆE HIGIJENSKE MJERE ZAŠTITE I UVJETI ZA RAD I ZAŠTITU NA RADU

Član 24.

Uredi i druge prostorije u kojima se odvijaju poslovi i radni zadaci moraju se čistiti svakog dana, od strane uposlenika koji su raspoređeni na tu vrstu posla.

- 536 -

Član 25.

Uposlenici su obavezni da održavaju radne stolove urednim, a prevashodno se odnosi na uposlenike koji vrše prijem stranaka, te su svi uposlenici dužni podsticati radnu atmosferu i ne ometati druge u vršenju poslova u prostorijama gdje se odvija rad dva ili više uposlenika (bučni razgovori putem telefona, glasno slušanje radio prijemnika i sl.).

Član 26.

U prostorijama gdje se vrši prijem stranaka, a gdje se odvija rad dva ili više uposlenika, uposlenici su obavezni povremeno prozračiti prostorije.

Član 27.

Radne prostorije moraju biti osvijetljene po važećim, odnosno uobičajnim standardima, a isključivo u prostorijama gdje se odvija rada dva ili više uposlenika i rad sa strankama.

Ne pridržavanje općih mjera zaštite na radu i u vezi rada za svakog uposlenika se može na prijedlog neposrednog rukovodioca, pokrenuti disciplinski postupak u skladu sa važećim propisima.

VI – PRELAZNE I ZAVRŠNE ODREDBE**Član 28.**

Sastavni dio ovog Pravilnika čini tabelarni prilog o vijeku trajanja zaštitnih sredstava koja se koriste pri obavljanju redovnih poslova i zadataka u Općini.

Član 29.

Rukovodioci službi su dužni da u roku od sedam (7) dana od dana objavljivanja ovog Pravilnika u «Službenom glasniku općine Zavidovići» upoznaju uposlene o primjeni istog.

Zaštita na radu uposlenika raspoređenih u Profesionalnoj vatrogasnoj jedinici regulisana je Uredbom o uniformi, nazivima funkcija i funkcionalnim oznakama vatrogasaca u profesionalnim i dobrovoljnim vatrogasnim jedinicama, ovlaštenja starješina tih jedinica, zaštitnoj i radnoj odjeći i opremi vatrogasaca („Službene novine FBiH“, broj: 8/11) i Pravilnikom o odjeći i obući, oznakama specijalnosti i komandnih dužnosti, upotrebi znaka civilne zaštite i identifikacionoj iskaznici za pripadnike civilne zaštite („Službene novine FBiH“, broj 77/06).

HTZ oprema za pripadnike civilne zaštite regulisana je Pravilnikom o odjeći i obući, oznakama specijalnosti i komandnih dužnosti, upotrebi znaka civilne zaštite i identifikacionoj iskaznici za pripadnike civilne zaštite („Službene novine FBiH“, broj 77/06).

Član 30.

Ovaj Pravilnik stupa na snagu prvog narednog dana od dana objavljivanja u «Službenom glasniku općine Zavidovići».

Danom stupanja na snagu ovog Pravilnika prestaju da važe odredbe koje regulišu zaštitu na radu uposlenika u općinskom organu državne službe općine Zavidovići.

Postupci pokrenuti po ranijim važećim propisima okončati će se na osnovu tih propisa.

OPĆINSKI NAČELNIK

(M.P.)

Hakija Osmić, dipl.ecc., s.r.

III- AKTI PREDSEDavajućEG OPĆINSKOG VIJEĆA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE
Broj: 01-31-3604/12
Datum, 19.06.2012. godine



Na osnovu člana 139. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), prilikom sravnjenja izvornog teksta „Odluke o dopuni odluke broj: 01-31-1086/10 od 27.02.2010. godine“ koju je Općinsko vijeće Zavidovići usvojilo na 43. sjednici od 30.03.2012. godine, a na osnovu Zahtjeva za ispravku odluke, broj: 06-31-1493/12 od 15.06.2012. godine, koji je uputila Služba za upravu geodetskih, imovinsko-pravnih poslova i urbanizma, sekretar Općinskog vijeća odobrava, a predsjedavajući Općinskog vijeća donosi

ISPRAVKU

Odluke o dopuni odluke broj 01-31-1086/10 od 27.02.2010. godine
(„Službeni glasnik općine Zavidovići“, broj: 2/2012)

I

U stavu 1. dispozitiva „Odluke o dopuni odluke broj: 01-31-1086/10 od 27.02.2010. godine“ („Službeni glasnik općine Zavidovići“, broj 2/2012), iza alineje 4. dodaju se dvije nove alineje 5. i 6. koje glase:

„- k.č. 2142/4 zv. „Strana“ pristupni put pov. 92 m², upisana u P.L. 1225 k.o. Hajderovići, suvlasništvo Keserović Nazifa sin Bege iz Kovača, Krivaja bb, sa dijelom 7/8 i Keserović Mihrete kći Nazifa iz Hajderovića, Keseri bb, sa dijelom 1/8.

- k.č. 3378/1 zv. „Bara“ livada 3. klase pov. 85 m², upisana u P.L. 1039 k.o. Hajderovići, vlasništvo Bjelić Fuada sin Sejada iz Kovača, Krivaja bb, sa dijelom 1/1“, alineje 5, 6, 7. i 8. postaju alineje 7,8,9. i 10.

II

Ostali dio „Odluke o dopuni odluke broj 01-31-1086/12 od 27.02.2010. godine“, ostaje neizmijenjen.

III

Ispravka čini sastavni dio „Odluke o dopuni odluke broj: 01-31-1086/10 od 27.02.2010. godine“.

IV

Ispravku objaviti u „Službenom glasniku općine Zavidovići“.

PREDSEDavajućI
OPĆINSKOG VIJEĆA

(M.P.)

ing. Radosav Petrović, s.r.

S A D R Ź A J

Strana

I – AKTI OPĆINSKOG VIJEĆA

1. ODLUKA o usvajanju LOD metodologije za finansiranje projektnih aktivnosti OCD na području općine Zavidovići	515
2. ODLUKA o izmjeni Odluke o pristupanju osnivanju Razvojne Agencije.....	517
3. ODLUKA o davanju saglasnosti na promet nekretnina vlasništvo Stanković Branka, sin Đorđa iz Zavidovića.....	518
4. ODLUKA o izmjeni i dopuni Odluke o usvajanju Plana privremenog zauzimanja javne površine za 2012.godinu	519
5. Skica lokacije „Opresa“ d.o.o. Sarajevo (zamjenski kiosk)	520
6. ODLUKA o davanju na upravljanje objekta „Sportska dvorana“ Zavidovići	521
7. ODLUKA o davanju na korištenje poslovnih prostorija u vlasništvu Općine Zavidovići Udruženju roditelja djece sa poteškoćama u azvoju „Mala sirena“	523
8. RJEŠENJE o imenovanju zamjenika općinskog pravobranioca Hrkić Dženane u Općinskom pravobranilaštvu Zavidovići	524
9. RJEŠENJE o razrješenju Jusupović Naile, predsjednika Drugostepene komisije za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika	525
10. RJEŠENJE o izmjeni Rješenja o imenovanju predsjednika i članova Drugostepene komisije za rješavanje po žalbama izjavljenim protiv prvostepenih rješenja i drugih prvostepenih akata Općinskog načelnika – imenovanje Tursić Amira na mjesto predsjednika Komisije.....	526
11. ZAKLJUČAK OV-a o usvajanju Izvještaja o prikupljenim neeksplodiranim ubojnim sredstvima (NUS) i minsko-eksplozivnim sredstvima (MES) i deminiranoj teritoriji u 2011.godini.....	527
12. ZAKLJUČAK OV-a o iznalaženju finansijskih sredstava za pomoć Udruženju roditelja djece sa poteškoćama u razvoju „Mala sirena“	528
13. ZAKLJUČAK OV-a o odbijanju Informacije o načinu dodjele betona po mjesnim zajednicama	529

II – AKTI OPĆINSKOG NAČELNIKA

1. PRAVILNIK o zaštiti na radu državnih službenika i namještenika u Jedinstvenom općinskom organu uprave i posebnih službi Općine Zavidovići	530
--	-----

III – AKTI PREDSJEDAVALJUĆEG OPĆINSKOG VIJEĆA

1. ISPRAVKA Odluke o dopuni Odluke broj 01-31-1086/10 od 27.02.2010.godine („Službeni glasnik općine Zavidovići“, broj 2/2012)	537
--	-----